

33374 有七種。附列於左。

鹽銀 每錠十兩內外 古婁 每錠四兩左右 淞江錠 每錠五兩左右 錢糧子 每錠一兩上下 花寶銀 每錠五十兩內外 白寶銀 每錠五十兩內外 天津衛 黑寶銀每錠五十兩內外

上述之銀錠名稱。現已成爲貨幣歷史上之名詞。自有銀幣以來。銀兩僅供計算之用。實際上之授受。莫非折合銀幣以收付。近來老寶輸出殆盡。鎔鑄新錠。殆爲罕見。所謂津行化銀。不過簿記上之轉帳名詞。祇因相沿既久。事實上未能遽廢。猶之上海規元銀。同爲虛設的本位也。前清之際。天津陸續設有銀元局三所。一爲北洋機器局。一爲北洋銀元局。一爲北洋造幣廠。民國成立。造幣總廠。亦即設於天津。從前北洋銀元局所鑄之銀元。爲數甚夥。直魯晉豫等省銀幣之須要。莫不仰天津之供給。故北方習見之銀幣。殆以北洋銀元。佔其大半。而北方之金融行市。率以北洋市價爲標準。但因外國銀行之關係。英屬香港所鑄之站人銀幣。(北方呼爲人洋或曰立人)在天津頗佔勢力。即北方諸省。亦莫不然。市價諸較其他之銀幣爲高。自有新幣以來。竭力平準。現在站人行市。漸與北洋一律。不過尚有少數地方。市價猶有參差耳。惟墨幣應洋。(津人呼爲正英)在天津方面。市價較落。在外國銀行。尚能一律收受。若一至華界。市價緣以稍落。昔日懸殊甚大。今則相差不大。此

與上海之重視應洋。適成一反比例也。至於小銀幣。天津呼之爲毛。大都來自東省。尋常授受。鮮有用之。不及上海小銀幣之流通暢旺焉。

天津流通之銅幣。各省所鑄。一律適用。但市上所見。均以當二十者爲多。大半亦係造自東省。當從前銅幣未發生時代。使用津錢。但每千文僅有五百個制錢。津錢每吊。例有扣底。另有滿錢之稱。所以表示不折不扣之義。猶南方足錢之謂。近來制錢消毀殆盡。雖仍存津錢之名稱。實際上無非以銅幣收付。昔日市上發行之制錢票。爲數甚夥。今已絕跡云。

惟近來金融上有一良好之現相。則本國銀行之紙幣。漸能無形抵制外國銀行所發行之紙幣也。從前天津之一般銀號。發行之銀兩銀元及制錢等紙幣。爲數甚夥。流通頗盛。近因取締紙幣條例之限制。已從事收回。此後殆無形消滅。但外國銀行所發行之紙幣。爲數甚鉅。自有中國交通兩銀行以來。外國銀行之紙幣。已逐漸減少。加之中日交涉以後。外國紙幣。尤受影響。現在市上所見。莫非中國交通兩家。新近浙江興業銀行。亦發行有銀元兌換券。但爲數不多。至天津方面。因有外國銀行之關係。故羌帖老頭票正金票等。在天津市面上。均能流通無阻。每日定有行市。而營投機業者。並以之爲交易品焉。

北京大學校之沿革錄時報

大學之設。所以教授高深學術。養成碩學閥材。以應社會之須要。而為國家之棟樑。我國國立大學。僅惟北京大學校。今蔡元培氏出任校長。吾知必能本其抱負。大加革新。以為教育界之光。記者居京間。嘗實地考察。茲特紀其沿革大略。以質之留心教育者。庶知吾國大學造端云爾。

我國之有大學。實始於有清光緒二十四年。其先康南海以公車上書。請變法立學校。梁任公亦為李端棻侍郎草疏。請立大學於京師。同時御史王鵬運。亦疏請興學。均得旨允行而未果。及至是年。清廷銳意變法。迭有詔旨。促擬大學堂章程。旋由軍機處及總署擬具章程八十餘條。陳請開辦。乃命孫家鼐為管學大臣。許景澄繼之。大學堂遂由茲成立。當時暫撥馬神廟四公主府為大學校址。另派奕劻許應騷辦理建設大學堂工程事務。及拳匪亂作。校舍被焚。闔校星散。而學校無形停辦。殆有兩年。其時張百熙在西安行在。痛心時事。力請興學。遂受命為管學大臣。續辦大學堂。並以外務部之同文館歸併。重議大學堂辦法。暫不設立專門。先立高等學堂。以為大學之預備。其功課分為政藝兩項。並置速成班分為仕學師範兩館。另又設立譯局。訂名詞。編輯課本。同時規定經費。除由戶部存放華俄銀行款項。撥息應用外。並由各省按照等次。分省籌攤。按年撥解。二十九年。設立進士館譯學館醫學實業館。未幾改管學大臣為學務大臣。統轄全國學務。另設總監督。專管大學事宜。

旋將仕學館歸併進士館。專辦師範預備兩科。宣統元年。兩科次第畢業。乃停辦師範。開設分科。預科仍繼續兼辦。民國以來。沿而未改。當辛亥改革之後。元年二月。令嚴復暫管京師大學堂總監督事務。保借華俄道勝銀行七萬兩籌辦開學。及至五月。改稱京師大學堂為北京大學校。總監督改為北京大學校校長。分科大學監督改為分科大學學長。校長定由大總統任命。分科學長及預科學長由校長就各科專任教員中推舉三人。呈請教育總長選任。於是催令該校肄業生迅行來校入學。並將經科歸併文科。又規定分科學長兼充教員。而法商兩科學長。則以一人兼任。適駐英游學監督錢文選報告。北京大學及附設之譯學館。已經倫敦大學評議會通過。視為大學。爰將財政學校中等班學生。併入大學預科。另開新班。廣續教授。是年預科學生一百二十八名畢業。旋嚴復辭校長職。馬良代之。農科新校。亦於此時落成。未幾馬良辭職。何燏時繼之。又以商科歸併法科辦理。二年正月。以胡仁源為預科學長。同年預科學生五十七名畢業。文理農工商各科學生二百三十五名畢業。旋以胡仁源改任工科學長。而以沈步洲為預科學長。十一月。分科舉行畢業禮。後何燏時辭職。乃以胡仁源兼管大學事宜。迨至三年正月。胡仁源始任命為大學校校長。而農科大學。亦於此時改組為農業專門學校。胡仁源在職約有三年。茲以蔡元培繼其後焉。蔡氏為我國教育大家。海內宗仰久矣。今以曾任教育總

33376

長之資望。屈尊而為大學校校長。政府之重視大學。於此亦可概見一斑。惟記者敢盡一言以爲蔡氏告。國家之設大學。所以造就國家之棟樑。特所謂國家之棟樑。非盡驅而納之於行政界中。悉作官吏之生涯。始得謂之爲造就人才。而爲國之主幹也。北京大學。因位置首都之關係。學者官吏思想。殆已深入而不可拔。再大學校教員。又多係現任及候補行政官吏兼任。在其事者。視爲不得已之交換應酬。而受其業者。亦希冀爲他日之攀援門徑。以故缺課之弊。時有所聞。遷職之煩。月所不免。校長既屈於情面。無可限制。而學生亦僅圖虛聲。莫計實益。致教者觀學校爲賦閒之傳舍。而學者亦冀教員爲攀引之進階。故所望於蔡氏者。一則掃除學生作官之思想。及進取之微倖心。再則限制官吏兼任教員及求官者而權任教員。否則徒爲國家造就高等大游民耳。又何益耶。

關於學校軍隊之確查錄中華新報

(一)全國學校最近之調查 教育總長范靜生。爲提倡普及教育起見。年前曾電咨各省省長。請將各該省學校之數目。詳細報部。以備編製全國學校統計表。而觀近年來教育之進步。茲聞近日該部相繼接到各省覆電。其數目探紀於下。(一)全國大學校十二處。(二)高等學校十九處。(三)工業專門學校八處。(四)醫學專門學校四處。(五)各級師範學校五百零七處。(六)

實業學校九十一處。(一)法政學校五十六處。(二)附屬中小學校五百二十七處。(三)軍警學校九十三處。(四)半日學校一千五百八十二處。(五)女學校三百五十七處。(六)小學校五萬三千二百零四處。

(二)全國軍隊最近之調查 據陸軍部之調查。駐在各省之軍隊兵員數。共爲四十五萬八千六百人。其詳如下。直隸(包括京兆熱河察哈爾三特別區域)八萬二千人。湖北一萬九千五百人。河南三萬四千六百人。安徽二萬一千三百人。江蘇四萬三千五百人。江西二萬零九百人。奉天二萬八千五百人。吉林九千人。黑龍江一萬二千人。浙江一萬四千七百人。山東一萬八千六百人。山西(包括綏遠特別區域)一萬四千五百人。福建八千人。甘肅六千人。陝西一萬一千三百人。新疆八千人。雲南二萬四千一百人。貴州一萬二千三百人。四川一萬七千人。廣東三萬八千八百人。廣西一萬四千一百人。

(三)江蘇現有軍隊之調查 現在各省軍隊之最多者。當屬江蘇省。據政府最近調查該省軍隊。確有四萬三千五百人之數。其駐紮地點及軍隊名稱。詳述於後。(一)蘇州(江蘇第二師)七千二百人。(二)松江及上海(北洋第十師)六千三百人。(三)清江及南京(江北第十九師)三千五百人。(四)南京及鎮江(禁衛軍)三千五百人。(五)鎮江(混成第一旅)二千五百人。(六)淮安(混成第五旅)二千五百人。(七)南京(混成第七十四旅)二千